

Prin plan

Il President de Provincie di Udin al à tornat a marcâlu intant di un incuintri cu la retore dal ateneu furlan Cristiana Compagno e l'assessor provinciâl Adriano Ioan

## Fontanini: "No ae fusion dai Erdisu"

«A Udin l'Erdisu al funzione e al covente mantignîlu cussî cemût che al è». E je la posizion pandude dal president de Provincie on. Pieri Fontanini dilunc dal incuintri cu la retore de Universitât di Udin Cristiana Compagno là che al à cjapât part ancje l'assessor Adriano Ioan. «La decision di incorporâ i Erdisu di Udin e Triest no garantis adeguate rappresentativitât de diversitât di esigjencis dai doi ateneus - al sclaris Fontanini -. Mi pâr che si sedi pierdût di viste un dât fundamentâl: o sin daûr a fevelâ di dôs realtâts ad implen diversis che a àn esigjencis diferentis. Se di une bande chê furlane pe sô colocazion centrâl in regjon, e je frequentade di une maiorance di stu-

dents pendolârs, la Universitât di Triest, pal stes motif o sedi la colocazion gjeografiche, e je frequentade pal plui di students fûr sede che a cjapin un lozament a fit. A front di cheste distinzion - al zonte Fontanini - no capis cemût che al puedi jessi un sôl organisim».

A riclamâ la specialitât dal ateneu furlan ancje la retore Compagno che e à ribatût cemût che «si sedi daûr a fevelâ di doi ents che a garantissin il dirit al studi in doi contescj diviers ad implen. Al covente pensâ a un consolidament dai servizis pal dirit al studi e definî un model organizatîf just pes diviersis esigjencis. Par difindi la cualitât dal servizi e la riduzion contemporanie di coscj

- e à sottolineât la retore Compagno -, dilunc dal incuintri che o ai vût cul assessor regjonâl Molinaro, o ai dât in dut câs disponibilitât massime de bande de universitât di Udin a un eventûal incorporazion des funzions vuê esercitadis dal Erdisu a front dal trasferiment necessari dai fonts».

Sul fat che chê udinese, a pet dal model triestin, e sedi stade simpri une gjestion virtuose, l'assessor Ioan. «A paritât di numar di students i coscj di gjestion a son simpri stâts inferiôrs: l'Erdisu di Triest al à plui di 60 dipendents intant che chel udinês al à un organic di pôc superior aes 20 unitâts ben fasint

ancje lis funzions relativis ai lavôrs publics, ce che a Triest al è



Di çampe, il President Fontanini, la retore Cristiana Compagno e l'assessor Adriano Ioan

a cjame di un altri ent». «Vuê magari cussî no - al à evidenziât

Fontanini -, sburtâts de dibisugne di strenzi i coscj, si va a pericul di cjapâ des decisions che a varan dai beneficis dome aparents su la gjestion dai servizis. Lant daûr di chest resonament nol à plui sens nissun ent: che al resti dut in man al centralisim triestin a chest pont. Se di une bande duncje - al glosse Fontanini - o soi dal dut dacuardi cuntune logjiche di razionalizazion dai coscj, no pues jessi dacuardi cuant che cheste e ven cjapade tant che justificazion a un vualivamente insensât des esigjencis dal teritori e dai citadins.